

僧史略

金陵刻經處

南京市淮海路三十五號

郵政編碼 二一〇〇〇二

電話 〇二五—八四五四—三五四

傳真 〇二五—八四五四—〇四二

公元二〇〇八年印

大宋僧史略卷上 并序

宋右街僧錄通慧大師贊寧奉勅撰

夫僧本無史。觀乎弘明二集。可非記言耶。高名僧傳。可非記事耶。言事既全。俱爲載筆。原彼東漢。至于我朝。僅一千年。教法污隆。緇徒出沒。富哉事迹。繁矣言詮。蘊結藏中。從何攸濟。贊寧以太平興國。初疊奉詔旨。高僧傳外。別修僧史。及進育王塔。乘駟到闕。勅居東寺。披覽多暇。遂樹立門。題搜求事類。始乎佛生。教法流行。至于三寶住持。諸務事始。一皆隱括。約成三卷。號僧史略焉。蓋取裴子野宋

略為目。所恨刪采不周。表明多昧。不可鴻碩寓目。預懼缺然者爾。

一佛降生年代

二僧入震旦

三經像東傳

四創造伽藍

浴佛行像附

五譯經

六譯律

七譯論

八東夏出家

九服章法式

十立壇得戒

十一尼得戒由

十二受齋懺法

十三禮儀沿革

十四注經

十五僧講

十六尼講

十七造疏科經

十八解律

十九解論

二十都講

二十一傳禪觀法

別立禪居附

二十二此土僧遊西域

二十三傳密藏

外學附以上卷上

二十四道俗立制

二十五行香唱導

二十六讚唄之由

二十七僧寺綱糾

二十八立僧正

尼正附

二十九僧統

三十沙門都統

三十一左右街僧錄

三十二僧主副員

三十三講經論首座

三十四國師

三十五雜任職員

三十六僧主秩俸

尼附

三十七管屬僧尼 祠部牒附

三十八僧道班位

三十九內道場 生日道場附

四十僧籍弛張 以上卷中

四十一誕辰談論 內齋附

四十二賜僧紫衣

四十三賜師號 德號附

四十四內供奉并引駕

四十五封授官秩

四十六方等戒壇

四十七結社法集

四十八賜夏臘

四十九對王者稱謂

五十臨壇法位

五十一度僧規利

五十二賜諡號

五十三菩薩僧

五十四得道證果 尼附

五十五大秦末尼

五十六駕頭牀子

五十七城闍天王

五十八上元放燈

五十九總論

以上卷下

所立僅六十門止刪取集傳并錄所聞以明佛法

東傳以來百事之始也

咸平二年重更條理

佛降生年代

案佛生日多說不同。一則應現非常遇緣卽化。故有見聞不同也。一則西域來僧生處有都城村落傳事有部類宗計。故各說不同也。一則西域樸略罕能紀錄。庶事實慢不尙繁細。故流傳不同也。今且據東土傳記及經律所明而有多說。案上統傳漢法本內傳

合阿含經中皆曰。周昭王二十三年七月十五日現白象瑞降摩耶夫人胎。明年四月八日於嵐毗園波羅下右脅而誕也。周書異記曰。昭王二十四年甲寅歲四月八日。江河泉池忽然汎溢。井皆騰湧。宮殿震動。其夜五色光氣貫于太微。徧于西方。作青虹色。時王問太史蘇由。由對曰。有大聖出于西方。故現此瑞。王曰。於國無損乎。對曰。一千年後聲教當被于此。又案五運圖云。東周平王四十八年戊午歲佛生。此說則無憑也。又依道安羅什紀及石柱銘云。周十八主桓王五年乙丑歲佛生。此亦非也。又費長房開皇三

寶錄中定佛是周莊王佗十年甲午四月八日生。以常星不見爲徵也。又法顯曾遊西域。云佛是商王代中生。顯因見師子國三月出佛齒供養王前。宣曰佛滅已一千四百九十七載也。顯以晉義熙中逆推知佛是商時生矣。又廬山度律師眾聖點記云。周貞定王二年甲戌佛生。法寶大師全不取此。又感通傳中是夏桀之時見佛垂迹也。次上諸說帝代不同。一夏末。二商末。三周昭王時。四平王時。五桓王時。六莊王時。七貞定王時。皆據此方傳記所說。若案經律者。浴佛經云一切佛皆四月八日生也。瑞應經亦云四月

八日生。而薩婆多論中卽云二月八日生。是則內教二說不同也。今謂佛若是夏時生卽今建巳四月八日也。若商時生卽今建辰月八日也。若周時生卽今建卯月八日也。又據南山宣律師問天人曰。此土傳佛生時。或云商代。或周昭王魯莊公世。如何指的。答曰。皆有所由。弟子是夏桀時生天。具見佛之垂化。然佛有三身。法報二身。非人天所見。唯化身佛。普被三千。故有百億釋迦。隨機所感。前後不定。不足疑也。今東京以臘月八日浴佛。言佛生日者。案祇洹圖經。寺中有玻黎師子。形如拳許大。口出妙音。菩薩聞之。皆

超地位。每至臘月八日。舍衛城中士女競持香華來聽法音。詳彼不言佛生日。疑天竺以臘八爲節日耳。又疑是用薩婆多論二月八日臘月乃周之二月也。東西遼夙故多差異焉。又江表以今四月八日爲佛生日者。依瑞應經也。如用周正則合是今二月八日。今用建巳月乃周之六月也。詳此濫用建巳月者有二意焉。一聞聲便用不據實求時。一翻經者多用夏正故斯謬耳。若如南山云并眾生見聞不同故時節不等不宜確執。然則兩方相接三藏所傳以周昭時生理爲長也。

重之曰前言月八日者爲東夏耶爲西域耶。若尋條見本從水求源則事無不周理有攸貫。且天竺歲首諸說不同。高僧傳中慧嚴與何承天爭中邊言西域以建辰爲歲首。傳又云十二月三十日號大神變月。卽此土三月十五日。此指夏正也。而用十六日生魄爲月初一日焉。今未詳建辰月爲取今三月月生日爲歲首爲是月半分之準。西土無正二三月名。但取星直月爲月名耳。如毘舍佉月迦提月是也。又蔥嶺北諸國或以建未月爲正首。或春際爲夏安居。是知隨方宗計各別。況佛在西域說經。羅漢居竺乾造論。

必不指東震之月。所言四月八日者。西域四月八日也。以事符合周書異記。昭王四月八日祥瑞。疑翻譯時隨聲筆受妄認。夏正也。唯爲有七月十五日臘法。經是用此方爲文。令人惑之。故兩存也。

僧入震旦

五運圖云。周世聖教靈迹。及阿育王造塔。置于此土。合有傳記。良以秦始皇焚書。此亦隨爇。故今無處追尋。案始皇時有沙門釋利房等十八賢者。賫經來化。始皇弗信。遂禁錮之。夜有神人破獄出之。又漢成帝時。劉向校書於天祿閣。往往見有佛經。及著列仙傳。

得一百三十六人。七十四人已見佛經。以此詳究。知周秦之代。已有佛教沙門。止未大興耳。至後漢第二主明帝永平七年。因夢金人。乃令秦景蔡愔王遵往天竺。迎佛教於月氏。遇迦葉摩騰竺法蘭二沙門入東夏。今以爲始也。于時佛法雖到中原。未流江表。信受未廣。傳行未周。洎孫氏鼎分。封疆阻隔。有康僧會者。本康居國人。赤烏年中。始化於南土也。

經像東傳

原其佛道難思。神蹤本異。不可以常情測。不可以眾例求。唯如東漢僧來。劉向已達於梵筴。育王塔現。秦

朝早有於靈儀案釋老志曰釋氏之學聞於前漢武帝元狩年中霍云病獲昆耶王金人帝以爲大神列於甘泉宮燒香禮拜此佛法流傳之始也及開西域遣張騫使大夏還云身毒有浮圖之教哀帝元壽年中景憲往月支口授得浮圖經然時未敦信道未通行猶大江之初潦若巨木之毫末耳今以漢明帝世二沙門齋四十二章經及白氎畫像爲其始焉又如感通傳中周穆王造靈安寺永州石華捧育王塔等豈非東漢前耶斯乃思慮不遑語議弗及者可置度外今且據事跡可思可議故以永平爲始也。

創造伽藍

浴佛行像附

經像來思僧徒戾止次原爰處必宅淨方是以法輪
轉須依地也故立寺宇焉騰蘭二人角力旣勝明帝
忻悅初於鴻臚寺延禮之鴻臚寺者本禮四夷遠國
之邸舍也尋令別擇洛陽西雍門外蓋一精舍以白
馬馱經來故用白馬爲題也寺者釋名曰寺嗣也治
事者相嗣續於其內也本是司名西僧乍來權止公
司移入別居不忘其本還標寺號僧寺之名始於此
也僧伽藍者譯爲眾園謂眾人所居在乎園圃生殖
之所佛弟子則生殖道芽聖果也故經中有迦蘭陀

竹園祇樹給孤獨園皆是西域之寺舍也。若其不思

議之迹，卽周穆王造顯濟寺，此難憑準。命曰難思之

事也。後魏太武帝始光元年創立伽藍爲招提之號。

隋煬帝大業中改天下寺爲道場。至唐復爲寺也。案

靈裕法師寺誥凡有十名寺：一曰寺，義準釋名；二曰淨住

穢濁不。三曰法同舍，法食二。四曰出世舍，修出離世

五曰精舍，非麤暴者所居。六曰清淨園，三業無染處也。七曰金剛刹

刹土堅固。八曰寂滅道場，祇園有蓮華藏世界以七寶莊嚴謂之寂滅道場。盧

舍那佛說。九曰遠離處，人其中者去煩惱。十曰親近

處，如行安樂行以。此土十名依祇洹圖經釋相各有